

四庫全書存目叢書編纂委員會編


齊魯書社

四庫全書存目叢書

史部
第一六九冊

責任編輯：孫言誠 賀 偉

ISBN 7-5333-0535-3



9 787533 305352 >

EB97/082

四庫全書存目叢書·史部一六九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 49.875 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一六九冊目次

史部・地理類

大明一統名勝志二百八卷目錄一卷(三)

〔明〕曹學佺撰

中央民族大學圖書館藏明崇禎三年刻本

.....

一

大明一統名勝志二百八卷

目錄一卷(三)

〔明〕曹學佺撰

中央民族大學圖書館藏明崇禎三年

刻本

浙江分介

中興

按史記水至會稽山陰爲浙江盧肇曰浙者振也蓋取其潮出海傾折而倒流也東漢順帝永康四年以會稽郡周廻萬一千里山川險絕因分浙江以東爲會稽郡以西爲吳郡此兩浙分疆之始然猶並屬揚州○通鑑劉宋孝建元年分揚州之浙東五郡爲東揚州浙江之西爲揚州至此遂有二揚州○唐明皇分天下爲十五道採訪兩浙諸郡並隸江南東道至肅宗乾元元年置浙江西道節度使領昇潤等十州浙江東道節度使領睦越等杭州府誌勝八卷之一

公州而浙東浙西之名始立建中後以浙東爲鎮東軍治越浙西爲鎮海軍治潤乾寧三年錢鏐平董昌遂爲鎮海鎮東兩軍節度使兼領兩浙光化元年徙鎮海軍於杭而以越爲屬部號吳越國宋初錢氏納土分天下爲十八路而兩浙爲一路熙寧七年復分杭蘇潤湖秀常睦七州爲西路越明台婺溫衢處七州爲東路建炎元年浙西以杭州爲帥府浙東以越州爲帥府乃定爲兩路元置江浙等處行中書省 大明置浙江等處布政司領杭州嘉興湖州嚴州金華衢州處州紹興寧波台

州温州十一府然以杭嘉湖為浙西以寧紹金衢等為浙東亦因浙江水面分但見諸私稱非輿圖所載也（今浙西監司守道駐劄湖州府巡道駐劄嘉興府而省城兵巡道管杭州嚴州二府名曰杭嚴道浙東監司寧紹台守道駐劄興府巡道駐劄台州府海道駐寧波府溫處道守道駐處州巡道駐溫州金衢嚴守道駐金華府巡道駐衢州府而嚴州府已統於省城之兵巡道云

杭州府省領縣九

隋初割吳郡之鹽官吳興之餘杭合四縣置杭州於餘杭開皇十年移治錢塘是杭州之始也秦屬會稽郡漢元符間會稽西部都尉徙治于此東漢分浙江以西為吳郡乃屬吳郡三國屬吳陳立錢塘郡隋廢郡為錢塘縣而立杭州煬帝初廢州為餘杭郡唐武德元年廢郡復為杭州五代梁龍德三年錢鏐建吳越國宋高宗建炎三年南渡遷都焉○隋唐郡治在鳳凰山柳浦西錢鏐囚之宋高宗亦因以為行宮皇城九里南門曰麗正北曰和寧東苑門曰東華其宮殿之制六參官起居與百官聽宣布則曰文德殿謂之正衙其四參官起居則曰垂拱殿謂之常朝曰紫宸殿上壽御焉曰大慶殿朝賀御焉曰明堂殿宗祀御焉曰集英殿策士御焉此四者皆即文德殿隨事揭名非專建也後殿有四曰崇政一名祥曦曰福寧曰復古曰延和福寧則寢息之所復古則燕閒之所延和在垂拱之後遇聖節冬至正旦寒食齋戒或避正殿則御焉曰選德殿孝宗建以為射殿曰緝熙殿理宗閣以為講殿曰熙明殿度宗改東宮之益堂為之

置經籍其中肄習焉而講筵延閣多在禁中高宗
卽秦檜舊第築新宮及內禪退居於此名曰德壽
孝宗內禪亦居之改名重華○府城初築於隋楊
素周三十六里九十步錢鏐新築羅城自泰望山
由夾城東亘江干泊錢塘湖霍山范浦周七十里
城門十曰朝天在吳山下今鎮海樓曰龍山在今
六和塔西曰竹車在今望仙橋東南曰新門在今
炭橋東曰南土在今薦橋門外曰北土在今舊菜
市門外曰鹽橋曰西關在今雷峰塔下曰北關在
今夾城巷內曰寶德在今艮山門外形勢南北展

杭州府誌勝

卷之一

四

而東西縮唐乾寧間楊行密將攻杭州攜僧祖肩
密來瞰之祖肩曰此腰鼓城也擊之終不可得宋
紹興間增築內城及東南之外城附於舊城元末
張士誠復更築東自艮山門至候潮門視舊城拓
開三里而絡市河於內南自候潮門迤西則縮入
二里而截鳳皇山於外今府治在城西南竹園山
淨因寺基城之東西視舊差廣門仍十三我朝省
爲十東五門曰候潮曰永昌舊之新門也口清泰
舊之崇新俗呼螺峰曰慶春舊名東青俗呼菜市
曰艮山俗呼爛子西城三門曰清波曰湧金曰錢

府城臨西湖南城一門曰鳳山北城一門曰武林
舊名餘杭俗呼北關○唐岑參送盧郎中之任杭
州罷起郎官草初分刺史符海雲迎過楚江月引
歸吳城裡濤聲震樓端蚤氣孤千家窺驛舫五馬
飲春湖柳色供詩用鶯聲送酒須知君望鄉處杜
道土姑蘇顧非熊經杭州郡郭繞江濱人家近白
雲曉濤臨檻看夜舫隔城聞浦轉出初盡燈斜雨
不分有誰知此意心緒逐鷗羣鄭谷登杭州城漢
漠江天外登臨返照間潮來無別浦木落見他山
沙鳥晴飛遠漁人夜唱閒歲窮歸未得心逐片帆

杭州府誌勝

卷之一

五

還○古蹟攷云虛白堂因品堂忘筌亭在郡圃俱
唐時建長慶中白居易爲刺史有虛白堂詩平旦
起視事亭午卧掩門除親簿領外多在琴書前况
有虛白堂坐見海門山潮來一憑檻賓至一開筵
終朝對雲水有時聽管絃持此聊過日豈寂得餘
閒因品堂詩箕穎人窮獸逢壺路阻艱何如兼吏
隱復得事躋攀崑樹羅塔下江雲野棟間似移天
目石疑入武丘山清景徒堪賞皇恩肯放還懸知
興未足旋被詔催還忘筌亭詩翠巘公門對朱軒
野逕連只開新戶牖不改舊風煙虛室閒生白高

情澹入玄繁華隨事有爭敢比忘筌○有美堂宋嘉祐間梅摯以龍圖閣出守郡仁宗賜以詩云地有湖山美摯因侈作堂名歐陽修爲記蔡襄書原在吳山頂今故址不存而府治後堂尚仍有美之名蓋取景行先哲云爾○清暑堂宋治平中郡守蔡襄建自爲記○高齋在清暑堂之後舊據城闔橫爲屋五間下瞰虛白不甚高大而最超出州宅及園圃之中故額以高齋唐嚴維詩詩家九日憐芳菊進客高齋對浙江漁浦浪花搖碧壁西陵樹色入秋窓木奴向熟懸金實桑落新樹瀉玉缸四

杭州府志勝

卷之一

六

子醉時多講德笑論黃霸屈爲邦○石林軒在舊州治燕思閣宋至和中郡守孫沔立石七株號七賢石元祐中守蒲宗孟改名石林軒○隱秀齋在通判北廳宋蘇軾書紹興四年刻石趙令時重署○今分署水利通判在府城東北五十里塘棲鎮五林港之東

仁和縣

附郭

五代梁龍德二年吳越錢氏析錢塘鹽官縣地立錢江縣宋太平興國四年改今名高宗南渡因見縣名仁和曰此故都城門也遂決遷都之計○志

云錢江縣治在武林門梅家橋今縣治乃元錄事司址

錢塘縣

附郭

秦始皇二十六年置會稽郡領縣二十四錢唐居其一水經注曰王莽時更名泉亭東漢建武初復舊光和二年封朱雋爲侯國通典唐武德四年諱國號始加土于唐曰錢塘○錢唐舊治凡四一在靈隱山麓一在錢湖門外皆漢魏時治也一在錢塘門內今教場地唐治也一在紀家橋華嚴寺故址宋時治也有紹熙二年叅政樓鑰題名記今仍杭州府志勝卷之一七

居寺江山一覽亭俱在山之巔凡登山者由世崖而上兩傍奇石峻峭皆立名瑞石山其左爲紫陽洞宋張平叔元徐弘道俱修真於此又側爲紫駝峰延祐初邑人丁野鶴與其妻王守素學導引之術二十年迹不下山亦俱得道隆天錫贈之詩云不見遼東丁令威舊遊城郭昔人非鏡中人去青鸞老華表山空白鶴歸石竹溪乾斑點在玉簫聲斷彩雲飛洞門花落無行跡猷坐蒼苔補道衣○紫陽卷之後有青衣洞相傳昔有人至洞口遇青衣童子問之不應良久入洞逐之不見洞口有泉

杭州府志勝八卷之一

八

出石罅中清鑒毛髮名青衣泉山頂巨石墜下有石承之若餌釘然前有石門上橫石梁壁間皆細字水波紋山北有井曰吳山井周四丈吳越時部國師所開泓深瑩潔異於衆泉其中有五色大魚數十時出游泳人不敢取○過山西上有寶月山東北爲蛾眉山又東爲淺山正東爲金地山金地之支爲竹園山淺山之支爲七竇山有青霞洞奇石錯峙恍青霞色有焦池有子午井七竇之支卽瑞石山也宋蘇軾寶山新徑詩藤梢刺元無路竹杖棕鞋不用扶風自遠來聞笑語水分流處見

江湖回觀佛國青螺髻過踏仙人碧玉壺野客歸時山月上棠梨葉戰暝禽呼元陸天錫瑞石山詩天風吹我登駝峰大山小山石玲瓏赤霞日射紫瑪瑙白露夜滴青芙蓉飄飄雲氣穿石屋石上涼風吹紫竹掛冠何日賦歸來煮石篝燈洞中宿○虎林山在武林門內一里而近有小土阜高可三丈廣不滿百步舊名祖山楊正質記略云訪之者舊錢氏有國時此山在城外叢薄蒙密異虎出焉故名虎林音訛爲武紫紹翁西湖聞見錄乃謂卽靈隱山因避唐諱改虎爲武宋淳熙志引漢書明

杭州府志勝八卷之一

九

載武林山爲武林水所出安有避唐諱之說蓋虎林武林原有二山未可溷爲一也○鳳凰山舊在城內元末張士誠築城截之於外今沿城南十里西岡石笋林立名排衙石左瞰大江直望海門山下爲吳越國治錢氏內附爲杭州治舊有鳳皇門宋趙抃詩老來重守鳳皇城是也天峰在左月巖在右青石崔嵬夾道峭壁中有石術可通往來高宗南渡因州治建宮殿山遂環入禁苑重簷複閣凌駕山椒前臨射圃竟百步環以脩廊右登博雅樓有十二門左轉數十步雕闌花甃萬卉中出有

陽春清齋玉質三亭前芙蓉後木樨綠萼梅繞之
又過錦廳廊凡百八十楹廊外卽後苑種柳千樹
曰梅圃亭曰水花亭枕小西湖口水月境界日澄
碧牡丹曰伊洛傳芳芍藥曰冠芳山茶曰鶴頂丹
桂曰天闕清香橘曰洞庭佳味茅亭曰昭倫木香
曰架雪竹曰賞靜松曰天陵傲益又以日本國松
樹爲翠寒堂不施丹牒白如象齒又傍山崔嵬作
觀堂爲焚香祝天之所理宗時吳知古掌焚修每
三茅觀鐘鳴觀堂之鐘應之則駕興焉陟芙蓉閣
風帆沙鳥咸出履舄之下山趾一溪縈帶過小西
杭州府志勝八卷之一

十

湖亭曰清連怪石羅列獻現呈秀三山五湖洞穴
溪杏又東過閣子庫儀鸞修內八作翰林諸司是
謂東華門元黃潛題鳳皇山滄海桑田事渺茫行
看遺老色荒涼爲言故國遊麋鹿設指空山號鳳
皇春盡綠莎迷葦道雨多蒼薺上宮牆遙知江水
東流畔更有萍蕪與夕陽明藍澗詩南渡山川王
氣銷西風松柏認前朝紫宸無復千官宴滄海空
餘半夜潮龍去蓬萊曾駐輦鳳歸寥廓不聞簫上
方樓閣依稀在暮雨疎鐘送寂寥○萬松嶺在鳳
山門外自唐至宋夾道值松有八盤徑留月臺唐

曰樂天詩半醉閑行湖岸東馬鞍敲鋸響玲瓏萬
株松樹青山上十里沙堤明月中樓角漸移常路
影潮頭欲過滿江風歸來未放笙歌散畫戟重開
蠟炬紅○嶺畔有報恩寺唐元和年建寺內有浣
雲池萬菊軒白樂天浣雲池詩白雲本無心舒卷
長自潔影落一鑑空浣之仍不涅蘇子瞻萬菊軒
詩一軒高爲黃花設富擬人間萬石君佳本盡從
方外得異香多在月中聞引泉北澗分清露開徑
南山破白雲此意欲爲知者道陶翁猶自未離羣
按今萬松書院是其遺址○元至元十三年胡僧

杭州府志勝八卷之一

十一

楊璉真伽請于宋故內建五寺曰報國曰興元曰
般若曰僊林曰尊勝報國寺卽垂拱殿殿角有銀
杏樹其實無心楊仲弘詩珠樹落秋霜是也興元
寺卽芙蓉殿般若寺卽和寧門僊林寺卽延和殿
尊勝寺卽福寧殿下有曲水流觴楊髡發宋諸陵
建塔于上厥形似壺俗稱一瓶塔高二百丈內藏
佛經數十萬卷佛菩薩像萬軀堅飭如雪又名白
塔錢思復登白塔詩宋宮傳是唐朝寺白塔崔嵬
寢殿前夏雨染成千樹綠晴嵐散作一江煙蒼苔
門外銅鋪暗細柳營中畫角傳寂寞胡蘆宮井畔

野人拾得舊金鉏○萬松嶺折而西南有梵天寺
本錢氏建舊名南塔宋治平改今額僧志銓詩落
日寒蟬鳴獨歸林下寺柴扉夜未掩片月隨行屐
唯聞犬吠聲又入青蘿去蘇子瞻和但聞煙外鐘
不見煙中寺幽人行未已草露濕芒屨惟應山頭
月夜夜照來去○又有勝果寺唐乾寧間無着禪
師建僧處默詩路自中峰上盤迴出薜蘿到江吳
地盡隔岸越山多古木叢青靄遙天浸白波下方
城郭近鐘磬雜笙歌○巧山在武林門外四十里
俗傳錢王七夕登山乞巧于此形圓如珠又名龍
杭州府志勝八卷之十 主

林初疑一顆值千金味方河朔葡萄重色比瀟
荔子溪按少陵自叙早年曾遊吳越則其歷茲地
未可知也宋敖陶孫皋亭山詩樵路縈迴入翠微
清泉白石可忘機雲中大吠劉安過樹杪春溪望
帝歸白鶴曾留華表跡蒼苔合校錦衣圍珠襦玉
匣今何許一笑人間萬事非○又二十里爲銅扣
山其下有石鼓湖晉武帝時岸崩出一石鼓扣之
無聲張華命取蜀中桐木刻魚形扣之聲聞數里
○其西爲黃鶴山高三百丈寰宇記云舊有黃鶴
樓在山巔又有龍池一名渥洼池吳越錢氏建佛
杭州府志勝八卷之一 主

珠山○越東南里許爲古城山乃錢鏐所築城寨
基也又北五里爲獨山每出雲晴則雨雨則晴獨
異於衆峰故名俯瞰橫溪迴環積水下有菱芡荷
蓮高有桑麻禾黍繁迴錯雜若雲錦然○又十五
里爲落山一名望洛山昔有高士自洛陽來棲隱
於此時登其巔望洛故名山高百餘丈週迴十八
里西南皆平原惟此山突起溪流亦環繞之○皋
亭山在城東北三十里高四百丈有水贅桃花青
草蒲墳諸塢其下有亞父塚上多桃竹果樹唐杜
甫同友人臯亭洲食楊梅偶成云五月楊梅已滿

日院于此山半有黃鶴仙洞外甚狹中可容數十
人深窈而黑又有龍潭在山之東僧道潛詩但看
黃鶴山頂雲化作白龍潭上雨○又十里曰臨平
山其巔亦有龍洞自洞門至水際凡五丈深不可
測山下有臨平湖周圍十里孫吳赤烏二年寶鼎
見因名鼎湖晉咸寧中彗星孛于角占者云吳臨
平湖自漢末壅塞至今當復開父老相傳此湖塞
天下亂開則天下平又吳郡志臨平湖邊得一石
田中有小石青白色長四寸廣二寸刻其上作皇
帝字孫皓爲改元天璽唐張祐過臨平湖三月長

湖草欲齊綠楊分映人長堤明家起處烏猶吠酒
客醒時謝豹啼山檻正常蓮葉落水添新葉稍秋
畦人間設說多岐路咫尺神仙路欲迷宋蘇軾憶
臨平湖餘杭門外葉飛秋尚憶居人挽去舟一別
臨平山下路五年雲夢澤南州凄凉楚地綠苔發
邂逅秦淮爲子留寄謝西湖舊風月故應時許夢
中遊僧道潛詩風蒲獵獵弄輕柔欲立蜻蜓不自
由五月臨平山下路藕花無數滿汀洲○寶石山
在錢塘門西北高六十餘丈磊塊噴噴負郭挺立
錢氏臣吳延爽者建有崇壽院及寶所塔九層宋

杭州府志勝

入卷之一

五

咸平間僧永保重修今俗呼保叔塔塔門舊有湖
山勝樂四字張卽之書錢思復登保叔塔舍利天
開畫缺簷風語鈴野雲秋共自江樹晚逾青鑿屋
品藏雨黏崖石墜青下看湖上客歌吹正沈冥其
左有落星石卽羅隱峰記云或聳秀而僧排巨石
或巖堯而朝挹衆山者又有看松臺俯臨巨壑仰
拂松梢故名○其麓爲昭慶寺吳越王建而臨湖
水中蓄蓮池宋陳堯佐詩湖邊山影裡靜境與僧
分一榻坐臨水片心閒對雲樹寒時落葉鳴散忽
成草莫問紅塵事林間暫聞○昭慶之西爲石

頂橋唐刺史李泌建有水閘以洩湖水溉田無數
至今賴之其北有霍山有慶忌塔以春秋時吳公
子慶忌瘞此是山多骨石筍鱗起前有石池潏不
可測南行爲石佛山往志所傳爲秦始皇繫纜石
石傍有沁雪泉棠陵方思道題○大佛寺亦錢氏
建有相嚴院爲樓者十三間相傳蘇子瞻治郡時
常判事于此卽所云湖中了公事也其西爲錦塢
爲初陽臺又西爲霞雲山瑪瑙寺設焉棧閣凌空
延眺極勝○寶雲之支渡西洽橋以入孤山陳文
帝天嘉年建永福寺于此寺內有文帝手植柏二
株在宋時已枯其一蘇子瞻作詩紀之孝宗爲書
此詩勒石今不存○孤山在重湖之間以其巖立
水心故名宋智圓禪師與處士林逋爲友以詩文
自娛著閒居編五十一卷其所居院有僕夫泉以
僕夫藝竹得之因名又有開泉圓師詩云開泉澄
極頂是也逋字君復號和靖居士結廬孤山二十
年未嘗入城市嘗蓄二鶴時泛小艇遊西湖諸寺
客至則一童應門延坐開籠縱鶴必棹船而歸逋
有詩云山水未深猿鳥少此生猶擬別移居直過
天竺溪流上獨樹爲橋小結廬又臨終詩云湖上

杭州府志勝

入卷之一

五

青山對結廬。墳前脩竹亦蕭疎。茂陵他日求遺稿，猶喜曾無封禪書。二智圓之後，有惠勤者與六一居士歐陽修善，居士爲作山中樂三章贈之。蘇子瞻通判錢塘，亦與之善，以守杭再至，居士與勤皆已化去。東坡未至數月，泉出講堂之後，甚白而甘，因惟勤意名曰六一泉，且序其事而銘之曰：泉之出也，去公數千里，後公之沒十有八年而名之曰六一，不幾於妄乎？曰：君子之澤，惟五世而已，蓋得其人則可，至於百傳，嘗試與子登孤山而望吳越，歌山中之樂而飲此水，則公之遺風餘烈亦或

杭州府志勝

卷之一

七

見於斯泉也。孤山寺舊有竹閣，白樂天建後移于北山報恩院。樂天竹樓詩云：小書樓下千竿竹，煖火爐前一盞燈。此處與誰相伴宿，燒丹道士坐禪僧。唐張祐孤山寺詩：樓臺得碧岑，一徑入湖心。不雨山常潤，無雲水自陰。斷橋荒蘚合，空院落花深。猶憶西窓月，鐘聲出北林。宋林逋孤山晚眺水墨屏風狀，總非作詩，除是謝玄暉溪橋暝裏穿黃落樵斧，丁丁響翠微。返照未沈僧獨往，長煙如淡鳥橫飛。南峯有客鋤園罷，閒倚籬間忘却歸。○武林山見漢書錢塘縣下，卽武林山，爲武林水所出。

者也。攷成化志，以靈隱寺後山北高峰當之一統。志合靈隱山飛來峰爲武林惟仰，卻重生云：武林者乃南山，天竺靈隱諸峰之總名。及東晉以後，因有諸名而武林反以無專指，而晦其說甚辯。今從之而列諸勝於武林山下。○靈隱山在城西十二里，本名四山，一名仙居山。晉咸和元年，梵僧慧理登山，歎曰：此中天竺國靈鷲山之小嶺，不知何年飛來。仙靈隱窟，今復爾否？因名靈隱，爲建靈隱寺於此。相傳刹利禪師實達，以晉天福間居是山，善持秘呪，時浙江水溢，激射湖岸，師誦呪止之，是夜有

杭州府志勝

卷之一

七

偉人黑冠朱衣，謂師曰：伍負復求雪耻耳。師慈心爲物，負聞命矣。自是潮擊西興，而杭州東岸沙漲數里。今寺有印沙床，照佛鑑，是其遺址云。唐宋之間，靈隱寺詩：鶯嶺鬱名巖，龍宮鎖寂寥。樓觀滄海日，門對浙江潮。桂子月中落，天香雲外飄。捫蘿登塔遠，剝木取泉遙。霜薄花更發，水輕葉互凋。夙齡尚遐異，搜對滌煩囂。待入天台路，看余渡石橋。張祐詩：峰巒開一掌，朱鑑幾環延。佛地花分界，僧房竹引泉。五更樓下月，十里郭中烟。後塔聳亭後，前山橫閣前。溪沙涵水靜，澗石點苔鮮。好是呼猿久

石笋峰伏苓泉輜光巷今惟菴存○按隱居堂後
漢陸瑋建瑋字文該隱居茲山學易圖淮南王劉
安及九師像以祀之又名九師堂○思真堂晉許
邁建○夢謝亭晉杜明禪師爲謝靈運建靈運會
稽人其父舉之憂不宜育乃寄養於杜明杜明夜
夢東南有賢人相訪翌日靈運至遂建夢謝亭一
名客兒亭盧元輔詩云長松晉家樹絕頂客兒亭
是也○紫薇亭唐紫薇舍人唐詢建○翠薇亭宋
韓軾王世忠建既忤秦檜解樞樞柄奉朝請逍遙湖
上因建此亭○候仙亭白樂天詩蹇步垂朱綬華
花州府志勝入卷之一

丈

清淺吹鬢疑風雨不見白使君煙霞爲誰語○冷
泉從石人嶺下至合澗橋與金沙泉匯入于西湖
俗名金沙灘其地產荷花宋南渡時取以製麴釀
酒因立有麴院西湖十景有麴院風荷卽此○合
澗橋在飛來峰路口北澗自靈隱而下南澗自天
竺而下合流于此號曰錢源唐時有靈隱天竺寺
門袁居中所書卽白樂天詩一山分作兩山門者
張光弼詩兩澗何年合一橋終日閒桃花逐流水
未覺是人間○靈隱山畔舊有隱居堂思真堂夢
謝亭紫薇亭翠薇亭候仙亭見山亭今俱廢又有

石笋峰伏苓泉輜光巷今惟菴存○按隱居堂後
漢陸瑋建瑋字文該隱居茲山學易圖淮南王劉
安及九師像以祀之又名九師堂○思真堂晉許
邁建○夢謝亭晉杜明禪師爲謝靈運建靈運會
稽人其父舉之憂不宜育乃寄養於杜明杜明夜
夢東南有賢人相訪翌日靈運至遂建夢謝亭一
名客兒亭盧元輔詩云長松晉家樹絕頂客兒亭
是也○紫薇亭唐紫薇舍人唐詢建○翠薇亭宋
韓軾王世忠建既忤秦檜解樞樞柄奉朝請逍遙湖
上因建此亭○候仙亭白樂天詩蹇步垂朱綬華
花州府志勝入卷之一

花

縷歌白鬚何因駐衰老只且有歡娛酒興還應在
詩情可使無登山與臨水猶未要人扶○見山亭
張商英詩簾捲疎煙醉眼開浮雲飛盡見崔嵬苦
嗟霖雨遮藏久深謝東風引致來丹桂有時明月
滿舊山無路白猿哀禪僧指我真空理心火茫然
一夜灰○石笋峰高數十丈圓峭特立峰舊有普
圓院院內有超然臺金沙白沙二泉杭守祖無擇
愛茲山之勝建菴于此左右金漆板扉皆趙閱道
蘇子瞻秦少游黃魯直諸賢留題文與可畫竹數
枝在壁間○伏苓泉古松婆娑泉出甘冽飲者多

壽口鄧光祿在巢溝塢內以賴光禪師而名師蜀人唐代宗時自居易刺郡聞師住是山結與爲友嘗以詩招之入城不赴答以詩曰山僧野性好林泉每向崑阿倚石眠不解栽松陪玉勒惟應引水種金蓮白雲乍可來青嶂明月難教下碧天城市未能飛錫往恐妨鸞鶴翠樓前巷內有金蓮池烹茗井壁上趙閱道蘇子瞻題名○九里松在靈隱寺夾道植松凡九里有六朝南宋植者有唐郡守袁仁敬植者有宜對亭葉紹翁書金闕詩云結駟向青郊松陰九里遙言從天竺寺直渡小春橋偃

杭州府志勝不卷之一

壬

寒成芝蓋蕭瑟蔭蘭橈相逢何所贈期君保後凋○北高峰乃靈隱最高一峰石磴數百級曲折三十六灣唐天寶中建淨屠七層于頂羣山屏列湖水鏡浮雲光倒垂萬象在下遙望浙江如疋練之新濯蘇軾詩云言遊高峰塔尋食治野裝大雲秋未衰及此日初涼霧霏岩谷暝日出草木香嘉我同來人久便雲水鄉相觀小足舉前路高且長古松攀龍蛇怪石坐牛羊漸聞鐘磬音飛鳥皆下翔入門空無有雲氣浩茫茫○上天竺在北高峰麓五代晉天福間僧道翔結菴山中得奇水刻大士

像號天竺者經院宋嘉祐中僧元淨主之生而左肩肉起如袈裟緣凡八十一日乃減十歲出家後賜號辯才○寺南有乳竇峰下有空竇懸乳如脂耳和可啖其西爲獅子峰北爲白雲峰東爲天香泉東南爲中印峰重岡疊嶽蒼翠輝映有大悲泉在講堂下流遶殿前經如意池池以青石甃之方丈面鏤如意文曲折廻遶可以流觴唐崔顥詩晨登天竺山山殿朝陽曉淵泉爭噴薄江岫相縈繞直上孤頂高平看衆峰小南州十二月地煖冰雪少青翠滿寒山藤蘿覆冬沼花龕淩布側青壁石

杭州府志勝不卷之一

壬

林杪鳴鐘集人天施飯聚猿鳥洗意歸清淨澄心悟空少始知世上人萬物一何擾李白詩云佳席凌蓬丘觀濤憩樟樓三山動逸興五馬同遨遊天竺森在眼松風颯驚秋覽雲瀾變化弄水窮清幽疊嶂隔遙海當軒寫歸流轉成傲雲月佳趣滿吳洲蘇軾天竺訪辯才詩不辭清曉和公扉却值支公久未歸山鳥不鳴天欲暮捲簾惟見白雲飛○中天竺寺在稽留峰北稽留峰者相傳堯時許由隱居茲山遂名許山峰訛爲稽留注水經曰昔有道士入此不返因以稽留爲山號未嘗顯稱許山

也隋開皇中寶掌禪師立有道場于此唐白居易詩蘿芳澗草合繁綠崑樹新山深景候晚四月有餘春竹寺過微雨石徑無纖塵白衣一居士方袍四道人地是佛國土人非俗交親城中山下別相從亦殷勤宋僧道潛詩夕陽山氣靄慈路轉松陰復幾重行過石橋人未見數聲先聽寺樓鐘又稽留東北好林泉珍重幽棲得所便柏子煙中能宴坐想無餘習可攀緣○下天竺寺在飛來峰之麓隋開皇十五年建號南天竺初邑人范氏子真觀生而左掌有仙文右掌有人字及出家從天台

杭州府志勝八卷之一

三

智者受禪觀宴坐靈隱山頭陀石室至是有道安禪師與衆建寺請觀居之是爲開山初祖靈竺之勝週迴數十里而巖壑尤美者皆聚於此自飛來峰轉至寺後諸巖洞皆嵌空玲瓏其左有理公巖乃慧理安息之所慈雲法師所謂訪慧理之禪巖是也洞有三曰龍泓葛仙翁於此得道石洞世傳通浙江下過蕭山有朱石乳者入洞嘗聞波浪聲曰呼猿宋僧智一善嘯嘗養白猿於山間臨淵長嘯衆猿畢集人謂之猿父僧遵式白猿峰詩序云遵式有本葉氏子學行孤高博習教觀自誓建下

天竺寺著淨土懺法金光明觀音諸本懺儀行世號慈雲懺主宋張翥詩石梁溪水濕蒼苔陰洞傍穿澗底回巖角金銀從地湧山林圖畫自天開隨僧到分雲住猿認人呼下樹來遊興未闌斜日盡馬頭呼酒尚徘徊○寺後有三生石謝靈運有詩後唐京洛人李源與圓澤友善約遊蜀自荊州路次南浦見嬾人負瓮而汲澤曰嬾人王氏吾當爲之子孕三歲笑吾不來故不得乳今既見無可逃者三日公臨視我以笑爲信後十三年中秋夜當相見於杭州天竺寺至暮澤亡而嬾乳三日往

杭州府志勝八卷之一

三

視兒果笑後十三年源赴其約果有牧童騎牛隔水呼源歌曰三生石上舊精魂賞月臨風不要論慚愧情人遠相訪此身雖異性靈存源問澤公健否答曰李公眞信士俗緣未盡慎勿相近願勤修之又歌曰身前身後事茫茫欲話因緣恐斷腸吳越山川尋已遍却回煙棹上瞿塘因拂袖入煙霞而去○葛嶺在西湖之北寶雲山西上有葛仙冢卽稚川也嶺上有智果寺寺有參寥泉蘇東坡記略云僕在黃州夢參寥子賦詩有寒食清明都過了石泉槐火一時新之句後七年守錢塘而參寥

子一居智果院有泉出石縫其水空茶寒食之日僕自孤山來謁參寥子汲泉鑽火烹茶而所夢兆於七年之前因名參寥泉○虎頭巖在葛嶺西山形突出如虎吳越王盛時望氣者云杭州有王氣宋太祖命鑿之其西爲秦望山輿地志云秦始皇東遊登此山瞻望欲度會稽故名上有巨松二十餘株自然成行名金洞門唐長慶初圓修禪師見此山長松盤屈如蓋遂栖其上有鵲構巢其傍與之馴狎人謂之鳥窠和尚元和中白居易守杭入山謁師問曰禪師住處甚危險答曰大守危甚

杭州府志勝

卷之一

五

險甚白曰位鎮山河何險之有師曰薪火相交識性不停得非險乎僧來復詩寶網金幢變劫灰瞿曇寺裏盡蒿萊鳥窠無樹山雙泣不見談禪大傳來○棲霞嶺在葛嶺西嶺上桃花色絢如霞故名其北有古劍關蓋左寶雲山右仙姑山兩山夾峙若劍門然宋岳飛將牛皋墓在焉嶺巔有紫雲洞峭聳懸空陰涼徹骨左有棲霞洞入其中如屢屋風從南來徐舒而出石壁小臺突然坎中衝二石下達於抵仰視左竇四五通明大者圓徑尺有水洞深不可測○棲霞嶺之陽有宋少保岳武穆王

墓高宗南渡岳飛恢復中原奏檄至和議與之不合譖發十二金牌召還竟寘諸獄而死獄卒隗順者負其屍潛瘞九曲叢祠樹雙槁爲識至孝宗雪其寃改葬于此歲以十二月二十九日祭王忌辰也廟貌恢特蓋斥智果院基爲之兩廡刻其所製滿江紅詞併送張紫岩北伐詩西偏有流盂亭石刻王像存焉其贊曰惟武穆王天錫勇智氣吞強胡力扶宋季桓桓師旅元戎是寄將恢復遭讒所忌生既無怍死亦何愧萬古長存惟忠惟義云宋林景熙詩寥落一坏在英雄萬古寃孤忠懸白

杭州府志勝

卷之一

五

日遣恨寄中原樹老殘霞沒塵泥斷碣昏東南天半壁往事泣寒猿林弓寮詩天意只如此將軍是可傷忠無身報主寃有骨封王昔兩樓牆暗花風廟路香沈思百年事揮淚對斜陽元達兼善詩將軍有意拔天旂直取黃龍復漢京誰謂君王輕屈膝久知戎虜定淪盟屬車不返三關路駭火長連五國城獨使英雄含恨血中原何以望澄清高則誠詩莫問中州歎黍離英雄生死係安危內廷不下班師詔絕漠全收大將旂父子一門甘仗節山河萬里竟分文孤臣尚有埋身地二帝遊魂更可